





國立故宮博物院珍藏

清代起居注冊

成慶親 第三十八冊

國立故宮博物院珍



清代起居注冊

咸豐朝 第三十八冊

咸豐七年九月上……	一二六九九
咸豐七年九月下……	一二八二五
一年十月上……	一二八九三
一年十月下……	一三〇二九
一年十一月上……	一三一六五
一年十一月下……	一三三二七

清代起居注冊—咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT\$ 86,000.00

清代起居注冊

咸豐朝第三十八冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六一三—七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊

定價每部新台幣八六〇〇元



72 · 12 · 0650

· 8900713 ·



咸豐七年歲次丁巳九月初一日巳卯太常
寺題十月初一日孟冬時享

太廟一疏奉

諭旨朕親詣行禮

後殿遣載銳行禮東廡遣常喜西廡遣常英各分獻
是日兵部題山東文登營中軍都司員缺將
以遇缺儘先補用之都司安喜擬補一疏奉

諭旨安喜依擬用餘依議是日

起居注官廣鳳許彭壽

初二日庚辰內閣奉

諭旨勞崇光奏請將被擾各州縣應徵地丁兵米
分別蠲緩帶徵一摺廣西省自被賊匪滋擾所
有連年應徵地丁兵米疊經降旨分別蠲緩惟
該省土匪紛擾民間困苦尤甚若復照常徵收

民力實有未逮加恩著照所請所有興安灌陽
永福恭城修仁容縣馬平雒容象州桂平平南
武宣貴縣橫州永淳新甯十六州縣應徵咸豐
六年地丁驛站米折錢糧銀兩著各免十分之
七其餘三分各限三年帶徵靈川全州義甯永
甯昭平富川荔浦藤縣岑溪懷遠來賓崇善養
利左州甯明永康十六州縣並萬承太平安平

龍英四土州應徵咸豐六年地丁驛站米折錢
糧銀兩著各免十分之五其餘五分分限三年
帶徵臨桂陽朔平樂永安北流柳城羅城七州
縣應徵咸豐六年地丁驛站米折錢糧銀兩除
將六分歸咸豐六年啟徵外其餘四分著分限
三年帶徵內馬平岑溪北流三縣著自七年啟
限帶徵靈川羅城二縣著俟帶徵三年分錢糧

限滿後啟徵興安灌陽全州義甯藤縣平樂太
平安平陽朔柳城萬承龍英永安修仁新甯昭
平荔浦來賓臨桂十九州縣著俟帶徵四年分
錢糧限滿後接續啟徵富川懷遠永福雒容永
甯恭城容縣象州桂平平南武宣貴縣橫州永
淳崇善養利左州甯明永康十九州縣均著俟
帶徵五年分錢糧限滿後分年啟徵又興安灌

陽永福恭城修仁馬平象州桂平平南武宣貴
縣橫州永淳十三州縣應徵咸豐六年分兵米
著蠲免十分之七其餘三分分限三年帶徵靈
川全州義甯永甯昭平富川荔浦岑溪來賓崇
善十州縣應徵咸豐六年分兵米著蠲免十分
之五其餘五分分限三年帶徵內馬平岑溪二
縣著自咸豐七年啟限帶徵靈川縣著俟帶徵

三年分兵米限滿後啟徵興安灌陽全州義甯
修仁荔浦來賓昭平八州縣著俟帶徵四年分
兵米限滿後啟徵富川恭城永福永甯武宣永
淳崇善象州桂平平南貴縣橫州十二州縣著
俟帶徵五年分兵米限滿後再行分限啟徵臨
桂陽朔平樂永安柳城羅城六州縣應徵六年
兵米仍著照額徵收其各漢土州縣元二五四

各年銀米應歸六年帶徵者並著展至七年
啟徵遞行推緩一年如已經徵收者亦著入冊
造報仍撥歸各年帶徵分數扣算以紓民力該
撫卽刊刻謄黃徧行曉諭務使實惠均霑毋任
吏胥舞弊用副朕軫念窮黎至意餘著照所議
辦理該部知道又奉

諭旨譚廷襄奏請藉團助賑一摺直隸大順廣等

屬被水被旱前經諭令該署督安為安撫茲據
奏稱業經籌動倉穀酌撥銀錢先行散放並據
稱辦賑之處多係辦團之處如寓賑於團就各
處地方勸諭紳商捐輸銀米即挑選壯丁巡防
盜賊由董事經理按期散放可裕民食而靖地
方等語著照所請所有捐辦紳商准其照直隸
捐米章程給獎並准將前次部頒空名執照發

給卽責成清河道董醇總司其事所有已捐銀
錢一併提充賑款以今年冬三月為度俟年底
再行察看情形辦理毋得假手吏胥致滋擾累
用副朕軫念民艱至意餘著照所議辦理又奉
諭旨李鈞奏請將軍政展限辦理等語該河督現
在督防河岸所有東河河標弁兵本年軍政著
准其展限俟防河事竣再赴濟甯補行考驗如

有庸劣不職員弁仍著隨時叅辦以昭覈實又
奉

諭旨前因樂斌奏安徽軍營咨調補額兵丁請由
本地募補一摺當交兵部議奏茲據奏稱軍營
空缺兵丁就地招充流弊多端難期得力並請
飭嚴革積弊等語所有安徽省咨調陝甘補額
兵丁仍著樂斌照數派往嗣後軍營調取

兵丁如有空缺查明係何營分隨時知照該省
於原營照數挑補俟積有一二百名之數再由
該軍營大臣奏請調派一面將原調兵數若干
應補空額若干咨照原省選派俟奉旨後即行
飭令起程至各省調撥官兵該管大臣務當認
真挑選擇其年力富强技精膽壯者始令前往
軍營到營後再由該軍營大臣校閱如查有老

弱退怯者據實叅奏其在營官兵除實係受傷
患病准其撤回醫治外儻有捏病及潛逃等事
即將該兵丁按律懲辦並將該管官從重懲處
該管官於本營逃兵匿不舉報者一併治罪庶
徵調不至頻仍而紀律嚴明兵皆得力矣將此
通諭各路統兵大臣將軍督撫提鎮等務各實
力整頓以飭戎行毋負朕諄諄告誡至意又奉

諭旨駱秉章奏請將戰功最著之員先行獎勵等語即選同知張運蘭同知銜王開化隨同王鑫帶勇援剿江西奮勇當先連獲大勝數十次甚屬得力張運蘭著以知府歸部即選並賞加道銜王開化著以知府歸部即選所有王鑫原帶各勇即著該二員分帶進剿其餘在事出力員弁兵勇著耆齡覈明彙案保奏又奉